



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბუხჰალტერია

ბუხჰალტერია (გერმ. Buch – წიგნი, დავთარი და halten – ფლობა, დაცვა, შენახვა), 1. ბუხჰალტრული აღრიცხვის წარმართვა; 2. გაერთიანების (სანარმოს), ორგანიზაციის, დანესებულების ანგარიშწარმოების სამუშაო ადგილი; 3. დამოუკიდებელი სტრუქტურული ქვეგანყ-ბა, რ-იც აღრიცხავს სამეურნეო საქმიანობის პროცესში მომხდარ ცვლილებებს ორმაგი ჩანერის წესით (ნატურალური და ფულადი გამოსახულებით) და ადგენს საბუხჰალტრო ანგარიშგებას.

საქართველოში საბუხჰალტრო აღრიცხვას დიდი ხნის ისტორია აქვს. შუა საუკ. ძვ. საკანონმდებლო საერო და საეკლესიო ძეგლებში ფართოდ არის წარმოდგენილი ბუხჰალტრული არრიცხვის ტერმინები-ცნებები („აღრიცხვად“, „აღწერა“, „დავთარი“ და სხვ.).

საქართველოში კაპიტალიზმის განვითარებამ ხელი შეუწყო ბუხჰალტრული აღრიცხვის შემდგომ სრულყოფას. პრესაში დაიწყო ცნობების გამოქვეყნება სამეურნეო აღრიცხვის შესახებ. აღრიცხვისა და ეკონ. ანალიზის განვითარებაში მნიშვნელოვანი წვლილი შეიტანა ფ. გოგიჩაიშვილმა, რ-ის რედაქციით 1903 გამოვიდა „საქართველოს კალენდარი“ (მასში მოცემული იყო ცნობები სახ. მეურნ. აღრიცხვის შესახებ); 1914 დაიბეჭდა კ. კანდელაკის „ანგარიშთა და საქმეთა წარმოების“ პირველი ქართული წიგნი. ბუხჰალტრული აღრიცხვის თეორიაში ქართ. ენაზე პირველი წიგნი „ბუხჰალტერია“ (დავთარწარმოება) დაიბეჭდა 1918. წიგნის ავტორი იყო ს. ტარუაშვილი. იმავე წელს გამოიცა ა. კახელაძის წიგნი „ანგარიშწარმოების მოკლე სახელმძღვანელო სამომხმარებლო კოლპერატივებში“.

საქართველოში ბუხპალტრული აღრიცხვის საუნივერსიტეტო სახელმძღვანელო („ბუხპალტერიის ზოგადი კურსი“) გამოსცა პროფ. ა. ინწკირველმა 1924. აღრიცხვაში და ეკონ. ანალიზში ორიგინ. და დამხმარე სახელმძღვანელოების მომზადების სათანადო ყურადღება მიექცა 30-იანი წლებიდან მოყოლებული; მომზადდა და გამოიცა ძირითადი და დამხმარე სახელმძღვანელოები ბუხპალტრულ აღრიცხვასა და ანალიზში (ა. ინწკირველი, ბ. ინწკირველი, კ. გიგინეიშვილი, გ. გურგენიძე, ლ. ასათიანი, გ. ყუფარაძე, პ. ლანდია, ნ. ლაჭყევიანი, ლ. მამისაშვილი, ნ. დგებუაძე, შ. გოგებაშვილი და სხვ.).

ბუხპალტრული აღრიცხვის დარგში კადრების მომზადებას დიდად შეუწყო ხელი 1899 ფოთი კ. გიგინეიშვილის მიერ დაარსებულმა საბუხპალტრო კურსებმა. ბუხპალტრული აღრიცხვის სპეციალისტებს 50-იან წლებამდე ამზადებდა ტექნიკუმები, შემდეგ კი – თბილ. სახელმწ. უნ-ტი (1954–85) და მოსკ კოოპ. ინ-ტის ფაკ-ტი (1965–85), ამჟამად კი–თსუ (1993), გორის ეკონ. ინ-ტი, საქართვე. აგრ. უნ-ტი. ბუხპალტრული აღრიცხვის პროფილით საშ. კვალიფიციურ სპეციალისტებს ამზადებს 6 ეკონ. და რამდენიმე სას.-სამ. და კოოპ. ტექნიკუმი და კოლეჯი. ბ-ის კურსი იკითხება ეკონ. პროფილის ფასიან უმაღლეს სასწავლებლებში. საქართველოში მოქმედებს ბუხპალტრული აღრიცხვის პროფილით მომუშავე კადრების კვალიფიკაციის ამაღლების სისტემა.

**ქ.
ადეიშვილი**
